

卷



梅屋詩藁目錄

五七言近體詩

凡二百四首

夜泊長河

訪潘叔明

明妃



醉起

怕子

晚泊臨平

元夕後懷河上作

沈子壽郊居



贈葉靖逸

鄭介道見訪

贈龔彥質

題常穆仲蘸碧

趙叔魯

秋江漁父

山間

木山父書院

蠟梅江梅同瓶

贈畫沈秀才

贈北礪

雪曉

閨怨五首

枯荷

庭樹

春晚

贈林上人

客路

鍾雋卿見訪

題倦菴

贈元耘軒

題吳叔<sup>清</sup>郊居

書郭子度壁

雁字

宮詞二首

古墓

憶鄭元甫

贈芸憲

成婦詞一首

贈陳宗之

傷春曲

四時宮詞各一首

郭評事

挽吳春伯

挽郭子度

寄吳直之

瑛上人

木芙蓉

東歸道中

籬籠禽怨

破鏡詞

龔彥贊怨可三丈

張翥文

秋齋即事

泛刺

醉歸

湖上曲

趙野雲

古硯送明府趙公

戲題花

寄衣曲

畫眉曲

宿閑林步

宮女詞

真珠園

湖邊

讀南嶽新藁

花

別友

不語僧

孔海翁

題縣樓呈竹坡

寄題竹坡

穀椽

送友人為僧

地爐

春雪

挽沈晏如

贈

陳裕齋墨戲

題吳秋潭隱居圖

題摩雲悟師

田間

題楚處

孫祺卿新居

招高菊澗

李明甫雪中小閣

西真閣

書北庵門

贈術士張痴

詩毓齋李尚書惠詩序

葉克齋

題趙子固春山上寺圖

湯婆子

送画神李肖岩入道

寄趙倉

送趙子梁

得閑亭

題錢慶豐省菴

挽周倅

上趙蘭坡

上嘉禾趙守

劍言

題常宣仲草堂

題張俞仲竹屋

李方菴款梅

梅屋詩藁

夜泊長河

黃帽貪程夜泊遲  
市樓燈火歇多時  
滿懷風月無分付  
却借漁翁短笛吹

訪潘叔明

一室寬于養鶴籠  
秋簾疎透雪花風  
恠來几案無寒色  
春在題詩卷子中

明妃

漢宮眉斧息邊塵  
功壓貔貅百萬人  
好把香閨

壺山許斐忱父

舊脂粉艷粧顏色上麒麟

醉起

午醉熏熏到日晡起呼茶盃炷煙爐隔窓幾點  
敲花雨子細聽時却又無

怕子

萬縷縱橫如妾恨一方輕薄似郎恩多時不繫  
纖腰舞却對花前拭淚痕

晚泊臨平

晚卸風帆泊市橋稅亭民屋總蕭條秦封不到  
河邊柳送往迎來枉折腰

元夕後懷河上作

自從樓閣罷燒燈未有今朝一日晴暖折葑邊  
冰翼破寒留山頂雪痕輕嬌驄已印尋芳跡小  
妓新翻鬻唱聲每箇旗亭高一醉也應排日到  
清明

沈子壽郊居

屋外猶餘地百弓經鋤知費幾年功栽蔬少似  
於陵仲種菊多於靖節翁偃屈溪山詩卷裡破  
除風月酒杯中近來又喜禪機透一顧叢林萬  
袖空

贈葉靖逸

借我城居一丈寬  
五車書向腹中安  
聲華馥似當風桂  
氣味清于著露蘭  
朝士時將餘俸贈  
鋪家傳得近詩刊  
回看舊隱西湖上  
誰伴沙鷗度歲寒

鄭介道見訪

步頭楊柳種多年  
今日方維勝客船  
掃石共看山色坐  
枕書同聽雨聲眠  
溪羹旋煮蓴絲滑  
野飯新炊芡玉圓  
不管歸心忙似箭  
強留吟過菊花天

贈龔彥質

慈湖分與半窓燈  
照得襟懷徹底明  
得一作出  
明一作清  
蒲座夜閑猫占卧  
筍輿春暖鶴隨行  
爐香欲盡經猶誦  
研墨才濃句已成  
歲晚弟兄俱白首  
一樓風雨話深更

題常穆仲蘸碧

舫樣一亭小  
依山復靠池  
每來分席坐  
須憶下湖時  
竹弄當窓影  
花添蘸水枝  
人間風浪惡  
泛宅幾天涯

趙叔魯

天上除書駱驛飛 謫仙何事得來遲  
旅懷寬似 居家日學力高于未第時  
山帶晴霏橫畫軸 水流清響入琴絲  
世間多少王孫貴 無我寒泉一句詩

秋江漁父

小舟輕似一鷗飛 戀月隨風慣不歸  
因卧蘆花 深雪裡夜寒添蓋舊蓑衣

山間

越得山間笋蕨春 借厨烹煮自炊薪  
倩誰分我 梧羹去寄與中朝食肉人

木山父書院

占得文房一丈強 地幽雖夏亦清涼  
瓶花誤倒 水侵案書葉亂掀風  
滿床薜長密藤遮半壁 桐分踈影出低牆  
客來莫道無祇待 只啜茶甌却味長

蠟梅江梅同瓶

苗裔元從庾嶺分 兩般標致一般春  
淡粧西子 呈嬌態黃面瞿曇現  
小身不羨腰金橫玉貴 來尋嚼蠟飲冰人  
只愁花謝香狼籍 桃李如何接後陳

贈畫魚沈秀才

寫字摘文不療飢生涯換得頗新奇錦心暗織  
臨淵網蓬髮潛縲釣雨絲落筆易于投餌處得  
錢多似出罾時漁翁枉占煙波濶不及君家小  
硯池

贈北礪

天下名山行脚遍依然形影瘦伶俜支吾寒暑  
袈裟耐變眩烟霞筆硯靈對客敬如堂上佛讀  
書通似箴中經石頭路滑終難到不是詩禪莫  
扣肩

雪曉

臘雪連宵接曉飛錦衾公子未曾知起來携杖  
敲梅樹扶得輕盈壓損枝

閨怨五首

看鎖從春不暫開懶移心事向妝臺思情恰似  
殘花片去逐東流更不迴

別後相思瘦玉肌不堪重着看花衣恨君得似  
梁間燕社日辭家社日歸

月引庭花影上牕悶和簪朶卧空床春寒翠被  
無人共開却熏爐一字香

離愁一點濃如黛強把金篦掃不開新月幾番  
呈巧樣薄情夫婿未歸來

小院東風去住中春愁元不隔簾櫳自家顏色  
凋零盡却對花枝惜墮紅

枯荷

萬柄綠荷哀颯盡雨中無可益眠鷗當時作盪  
青錢滿官信池塘有暮秋

庭樹

今年庭樹看花稀因是耽書失事治何處結巢  
雙喜鵲却來刪得幾枯枝

春晚

推過詩編把酒斟挽春幾句讓鶯吟門前却喜  
無人掃積得殘花一寸深

贈臨上人

遠湖山疊翠師住最高層野偈書林葉茶鐺煮  
澗冰松筠為道友日月是禪燈儻許分岑隱甘  
為有髮僧

客路

客路久驅馳秋深西鬢知田家投夜宿漁竈寄  
晨炊契分燈前影生涯橐裡詩遙憐故園菊荒

州沒霜枝

鍾雋卿見訪

荒圃知非延客地  
謾分苔石坐移時  
杯中淺注三行酒  
几上同看數板詩  
樹木經霜飛葉早  
菊因閏月放花遲  
自無景物由君住  
却恨西山日半規

題倦庵

自扁庵為倦斯名恐未然  
醉巾頻漉破遊屐几  
磨穿新種竹都活舊栽花  
更妍門前春水漲催  
發孝廉船

贈元耘軒

白髮蕭蕭客帝都  
故園閑却種瓜鉏  
平時不信為儒誤  
今日方知涉世踈  
烟浦未尋歸去般  
雪窓猶讀借來書  
詩名歷盡江湖客  
要在唐人向上居

題吳叔清郊居

哦松未了賦歸欤  
旋買田園結草廬  
數畝竹陰惟欠宿  
半池山影不妨魚  
舉杯多是沽來酒  
揵架無非讀過書  
我已倦為都下客  
願君分與把茅居

書郭子度壁

禁苑精廬是切隣  
衣巾雖舊不沾塵  
鐘魚聲裡吟連曉  
花柳香中醉過春  
和土重泥燒藥竈  
買絲新接釣魚綸  
遠湖十萬人家住  
如此清閑有幾人

雁字

點畫分明印碧空  
迴鸞返鵲勢差同  
月邊映得銀鈎體  
雪裡摹成玉箸工  
新續似經秦火後  
悲涼如在楚詞中  
愁人筆硯俱荒廢  
倩寫相思寄便風

宮詞二首

卧聽羊車輞夜雷  
知從誰處宴酣回  
蟾光也解君王意  
隔箇簾櫳不入來

古墓

同入宮來幾許人  
因何遣妾護長門  
雲鬟半晚香腮瘦  
却愛菱花鏡子昏

石人猶自立  
蒿萊拂讀殘碑字  
哀隣塚已澆  
寒食酒野風分送紙錢來

憶鄭元甫

別後黃花兩度殘  
天涯彼此寄書難  
幾行雁字

斜陽裡聊當平安一紙看

贈芸窓

能書能畫又能詩除却芸窓別數誰只是霜毫  
冰蠟紙才經拈起便新奇

成婦詞一首

半落缸花午夜開成衣裁就寄君難雁來不帶  
平安字却帶邊風入帳寒

贈陳宗之

六月長安勢似焚鄜中清趣總輸君買書人散  
相影晚卧看風行水上文

傷春曲

日望即未歸玉肌寬盡縷金衣春心撩亂  
強拘束碎剪紅綃補舊枝紅綃才向枝頭住殘  
花又逐東風去願花飛入笑筵中莫入愁人斷  
腸處愁人見花人自羞花見愁人花也愁飛花  
有盡愁無盡柳外一聲黃栗留

四時宮詞各一首

因見落花心覺悟薄羅襟上淚痕乾容顏縱是  
花枝好能得君王幾日看  
碧玉涼梳落枕邊懶梳雙鬢學新蟬恩情不及

班姬扇縱是炎天亦棄捐  
涼夜誰同玉簟眠湘波冷浸一枝蓮君王不學  
中秋月處、分身處、圓  
雪壓長門消未盡夜衾堆盡舊宮羅鴛鴦央瓦下  
垂冰筋未抵思君玉筋多

郭評事

廷評滿腹貯陽春筆下從來活幾人廳小似分  
幽寺住俸輕如在舊山貧堆書教子猶疑少倒  
屣迎賓不厭頻欲效林宗巾角墊自嫌雙髮有  
紅塵

挽吳春伯

入門諸子哭褰衣痛說嚴君屬纊時病重刀圭  
難作效家貧 含不如像從春屨有登臨約近  
日方無唱和詩執拂南屏山下路悲風吹亂綠  
揚絲

挽郭子度

連年染患貌梳黃盧扁猶無起死方穉女自敲  
尸畔磬隣僧未炷佛前香生涯漫有千書卷受  
用惟存一奠觴聽說茶毗心更苦拭乾清淚又  
成行

寄吳宜之

文公徒弟無多在學術應如壽數高好句先教  
諸子和塾巾翻被俗人嘲湖邊茶店同誰坐井  
畔柴扉欠我敲昨夜相思眠不穩月眉斜印落  
花稍

瑛上人

十二三時便出家何曾頃刻離烟霞晨數持卷  
日方上夜梵千聲月未斜洗鉢不經鷗浴水挿  
瓶嫌採蝶殘花儒冠誤我駸老何日蒲團共

結語

木芙蓉

芙蓉艷金谷秋色錦机中霜樹不知醜葉與花  
爭紅

東歸道中

芙蓉波面出罾魚蕪似城中買擔蔬欲試膾刀  
還不忍恐傷千里寄人書

籬籠禽怨

千金新購入雕籠恨在嬌聲斷續中昨夜羈雌  
何處宿落花殘月故巢空

破鏡詞

寶鏡一從分破後，不堪磨拭。韶妝鈿倩誰携上，  
青雲去補得。今宵缺月圓。

龔彥質怨可二丈

西龔當暑客秦溪，旋買黃練替熟衣。想見西湖  
風月裡，藕花凝望載詩歸。

張聲父

城中破屋妻兒住，自向招提借小房。壁上碑文  
皆古篆，案頭書冊半僂方。月嬾碎竹遮牕暗，風  
款飛花入座香。點檢未如僧相處，只多髭髮幾  
根霜。

秋齋即事

桂香吹過中秋了，菊傍重陽未肯開。幾日銅瓶  
無可浸，賺他飢蝶入窠來。

泛剡

水濶無風似有風，蘆花搖落櫂聲中。鷗無一點  
驚精意，認作當時載雪翁。

醉歸

半醉歸來卧不成，月華霜彩爛中庭。茶鐺凍結  
香匣冷，只把梅花嗅得醒。

湖上曲

新晴旋蠟遊春屐半濕香泥恰好行琢得小詞  
腔未穩往來花下怯歌鶯

趙野雲

載雨駕雷翻覆頃漏星歲月卷舒閒若將雲與  
詩人比政恐雲無日閒

古硯送趙明府

一片端州古硯韜翁孫相授當良田寒梅硯礪  
下和水洗秋桂窓前滴露研學字不工空費紙  
吟詩雖苦未成編贈君携去薇花畔草詔閑時  
枕匣眠

戲題花

一片落花題一字湊成一句怨春詩縱橫貼在  
窓紗上巧似迴文織錦時

寄衣曲

蘆花風緊雁飛、便寄邊衣也是遲妾把剪刀  
猶覺冷况君披甲枕戈時願君百戰圖勲業馘  
項穢羸頻敲捷博取貂蟬金印歸無負君王無  
負妾

畫眉曲

日印花枝欲滿窓旋磨寫鏡試新妝恩情只似

春宵短眉黛空如柳葉長

宿閑林步

山禽棲定澗蛙鳴時復鳴  
泉雜數聲昨夜酒添  
春睡重幸無憎愛到天明

宮女詞

妍醜三千象恩情一例輕  
妾身雖寂寞天下却  
升平

真珠園

芭蕉葉上題詩字雨後來看半不全  
餘濕未勝  
濃墨補且携危酒到花前

湖邊

湖邊開到木芙蓉  
攘盡荷花十里紅  
蓼莫慙  
顏色淺榮枯同是一秋風

讀南嶽新藁

春來遊未通湖山已是風光一半殘  
細把劉郎  
詩讀後鶯花雖好不須看

花

牆頭新露一枝紅  
壓盡隋人萬彩工  
香艷便棲  
雲鬢老也勝飄泊晚西風

別友

分付雕觴莫滿斟酒深還與恨同深自憐不及  
春江燕一路相隨伴好吟

不語僧

默坐蒲龕若塑成客來惟聽小鐘鳴却嫌庭樹  
無禪力時有風枝雨葉聲

孔海翁

鑑湖、上寄閑身好景應同賀監分梅下有船  
供載雪荷邊無地可鉏雲吟人多情刪詩稿名  
士爭求作序文画卷書編藏滿屋其他生計盡  
輸君

題縣樓呈竹坡

令君聊試棟梁材結就醮樓亦壯哉疑是海宮  
新湧出不然仙府乍移來無人敢帶私心入萬  
戶皆知正道開細數代瓜能幾日曉籌昏鼓莫  
相催

寄題竹坡

郭外移來費俸金幾年擢舉玉成林更無餘地  
栽樹儘有高枝着卧禽寒影似傳東野貌清聲  
如寫伯夷心呼童少殺青瑤簡染月濡雲寄  
我吟

數椽

數椽茅屋傍林塘  
幽似山僧獨住房  
夜靜只憑猿守宅  
晝閑時有雀升堂  
旋收落葉供茶爨  
細搗枯花作印香  
書冊滿床書滿案  
別無生計亦無妨

送友人為僧

知心朋友雲霄裡  
三尺官綾取不難  
禪衲乍披身愈瘦  
儒冠新脫頂微寒  
數編詩稿聊收起  
一歲經文旋取看  
惟我塵緣推不去  
蕭蕭華髮倦漁竿

地爐

穴地為爐了一寒  
肉屏擅帳任無緣  
晨燒樹下沾霜葉  
夜煮山頭瀉月泉  
已借陽和歸故絮  
更分光燭到殘編  
百年貧富灰埃盡  
荒塚累累夜燒邊

春雪

東風吹雨作花飛  
寒勒芳程幾日遲  
惟有庭前老梅樹  
謝渠添補落殘枝

挽沈晏如

不信詩人一例窮  
又公半世又成空  
湖邊便欠

尋梅友籬下應無採菊翁  
雪片堆平閑藥灶雨  
聲敲碎舊漁蓬墓銘吟稿  
兒封寄血淚班班浣  
紙紅

東風六贈

澗水溪水似鏡清  
自看寒貌已分明  
煩君別相  
江湖友來歲誰魁淡墨名

陳裕齋墨戲

臨帖鈔書外尤深  
破墨工萬峯千嶂  
趣片紙尺  
綃中雲暗孤村月  
潮生滿樹風自嫌  
我已老摩  
硯一無功

題吳秋潭隱居圖

到處有茅堪蓋屋  
誰家遷槿不成籬  
秋潭何事  
經營晚應是無人會買詩

題摩雲悟師

老松陰下訪摩雲  
仰望青雲隔几塵  
不是倚空  
梯百尺只緣中有道高人

田間

田間久不到草木半蕭疎  
鷗占沉舟浴蟹分破  
壁居僕溫携到酒隣送買  
殘蔬未說催租事黏  
窓且讀書

題楚處

數畝家園枕碧波，樹桑踈處補花窠。  
簷低不礙儒冠入，橋矮才通釣艇過。  
雲笛旋裁門竹外，雨衣新織檻前莎。  
有時牛背看書罷，一曲春風窸戚歌。

孫棋卿新居

幾年銖累束修錢，才向湖邊置一廛。  
種竹庭深難得月，養魚池小易為泉。  
山呈好画當書案，柳撒輕絲罩釣船。  
酒力半酣詩思倦，矮床相對白鷗眠。

招高菊澗時在縣齋

歸買秦溪屋一間，才如都市僦樓寬。  
門前養草如花賞，壁上黏碑當画看。  
自改舊時詩未穩，獨斟新酒不成歡。  
髯仙只在淵明宅，泥濘相邀寸步難。

李明甫雪中小閱

令君蒙雪教千兵，一點妖氛不敢生。  
和氣旋回弓力軟，寒光微映劍花明。  
民居似倚銀城壯，海道如鋪玉簟平。  
入蔡歸來方夜半，畫堂歌管未收聲。

西真圖

翠水池邊宴早秋  
雲謠聲裏月西流  
醉歸不信乘鸞穩  
却壁蓮花作采舟

書北庵門

十度來敲九不應  
隔離空見竹青青  
不知池裏黃金鯽  
聽講楞伽几卷經

贈術士張痴

伶俐不如痴  
從來吾亦知  
才吟詩好日  
便是命窮時  
鼠笑瓶無粟  
蝸嫌壁有碑  
五行修得否  
髭鬢已絲

謝毓齋李尚書惠詩序

綠野堂邊種藥成  
已斑髭鬢復青青  
謝庭子弟皆英物  
漢殿公卿半學生  
爭捧溪藤求妙畫  
競磨崖石乞新銘  
如何海角孤吟者  
文集中間也掛名

葉克齋

歛浦租船只載詩  
一廡如此似君希  
雙親猶道行裝重  
多帶羅紋一硯歸

題趙子固春山上寺圖

望得招題見程猶半日  
問馬嘶曾到處僕指未

行山風過松聲遠雲連草色閑何如添個我坐  
石聽潺湲

湯婆子

一冬專寵道人房不藉華清賜浴湯  
皤腹却無璋瓦分矮身難稱綺羅妝  
春生蝴蝶半床夢暖迫梅花一帳香  
醉倚肉屏君莫羨北邙多少黑頭郎

送寫神李肖岩入道

一掣塵緣去學仙鶴程風露漸高寒  
白玉樓中逢真祖為傳吟貌寄子看

寄趙倉

麾節交迎出帝城滿朝皆羨板輿榮  
一州整輟春風暖八郡同瞻霽月明  
吳苑鶯花新管領秦溪苑李舊生成  
應憐倦卧寒窓者煮藥爐邊聽雪聲

送趙子梁

梅福舟行速離觴不暇斟雖然交日淺  
頗覺別情深宿處雁相伴到日鶯對吟  
水心新塚下替我一沾襟

得閑亭

柳風雖小絲、裊花雨無多點、香惟有吟毫  
閑未得染紅濡綠一春忙

題錢慶豐醒庵

不向杯中物吟邊僅有君自無沉醉分非效獨  
醒人捲箔進明月開門放宿雲揀茶敲未遍又  
摘露芽春

挽周倅

真是分風月歸來無俸錢人皆唾拙臣天又嗇  
長年舊定寒潮外新榮古樹邊一詩哀不盡簷  
雨對潸然

上趙蘭坡

身迫雲霄自不知只如師友講論時駉龍駕鳳  
陽冰字剪月裁霞太白詩兩院炷香熏畫卷晴  
窓添水浸花枝十年漫走江湖上咫尺蘭坡却  
到遲

上嘉禾趙守

邦君一念只寬民真箇龔黃見後身和氣蒸為  
千朶而暖雲裁作萬襦春座中長有清吟客庭  
下渾無健訟人諸郡盡能依此樣世間那有一  
家貧

劍言

朝潤卸支膏暮澤樓蘭血何如塵土中蝕為無  
用鐵

題常宣仲草堂

隔市能幾步幽趣踰山林鑿池小如斗水淺魚  
自深簷任樹枝礙堦從草色侵不肯一鋤斫恐  
傷春風心朝出貨仁義暮歸炊古今客來無可  
款石鑪添水沉

題張俞仲竹屋

削成千蠹簡此屋是餘材長有清風至渾無俗

客來猿當吟案立雀趨釣船迴添足歲寒計裁  
松復種梅

李方庵款梅

梅花惆悵三年別香鎖空庭几風月今年花發  
主人歸依舊主人貧徹骨小枝分立硯屏邊無  
酒訓春燭焰寒數葉殘書繡未了喚起山童敲  
鳳團

鳳園

衡陽書院... 主人... 詩...

今集... 詩...

融春小暇日錄

古今體詩 凡二十六首

樂府三首

題舒王遊半山圖

題叔恭五齋銘後

舊漁竿

草履

贈劉相士

宗之惠梅窠水玉牋

月潤惠硯滴梅腦二首

春思

送趙丞

贈墨僧

重陽之酒

燭

術代者言

贈錢相士

觀松巖畫卷

吳江道中

題陸宣公堂

送趙蘭坡

題趙恕可山臺

小菴道人

題丘竹坡新地

題雪林畫卷

融春小啜

開爐十日併當融春小室為六藏計亂書中

得舊藁數紙藁自甲午至己亥詩不滿三十

更散失不得傳則與日月俱棄矣併綴數文

為融春小編非千金幣帛誓尺璧餘陰也梅

屋許棊題

樂府

妾心如鏡面一規秋水清卽心如鏡背磨殺不

分明

小窻寒燭夜結紐綴卽襟不結尋常紐結卽長

遠心  
即心如紙鳶斷線隨風去願得上林枝為妾縈  
留住

題舒王遊半山圖

驢載新詩僕抱書松聲禽語當傳呼不知邂逅  
耕田者問着青苗免役無

題錢叔恭立齋銘後蔣魁作銘

拄義撐仁難着脚十人着脚九斜歌此銘不特  
為君助今古儒家砥柱碑

舊漁竿

掣斷江湖幾線風蓑衣閑掛餌瓢空何日獻入  
君王手持向磻溪釣太公

草屨

江湖蓑笠舊交情石滑泥深步轉輕恰是革  
蹤跡險官程高處越難行

贈劉相士

滿鏡秋霜鬢影寒此生堪笑復堪憐煩君只相  
看書眼更對青燈得幾年

宗之惠梅窠水玉牋

有幅吳冰千葉雪對吟終日不成詩憶君同在

孤山下商畧春風弄筆時

月澗惠硯滴梅腦

手不題詩已數年硯磚相伴學枯禪為君蘸濕  
元暉筆寫出江山雪後天  
踏雪尋梅興未償衣襟賴有隔年香銅匣更炷  
冰花腦不到孤山也不妨

春思

嫁得蕭郎不戀家幾年流落在天涯滿懷多少  
春傷事嫌殺門前叫賣花

送趙丞汝諤

竹梢風露松梢月未抵吟丞氣味清笑問兩年  
何所得錦囊詩重俸囊輕

贈墨僧

老硯磨穿事不成萬言堆裏鬢星星願隨君去  
柯山下收拾殘烟寫佛經

重陽乏酒

黃花冷咲竹籬邊笑我床頭乏酒錢帶雨折來  
無用處碎按金屑和茶煎

燭

長身夜占銀臺立燭光搖頂上珠貪向華堂

照歌舞不知灰得寸心無

術代者言

不聞沸鼎烹夷叔那有雲臺畫四凶自與心君  
消息了却將甲乙問窮通

贈錢相士

我貌君容一種寒鷺漂鷗泊廿來年我詩吟就  
無人買君相公卿煞得錢

觀松巖畫卷

老屐相隨四十年慣看蒼翠聽潺湲今朝細玩  
松岩画犹有吟行未到山

吳江道中

一別吳松二十秋敗荷枯柳捻新愁白頭交友  
凋零盡賴有寒江幾個鷗

題陸宣公堂

一編奏議從頭讀句、水聯玉綴成不是德宗  
嫵切直自緣唐室未升平諷覓盡逐殘星滅義  
鬼長隨霽月明我亦愛君憂國者歲時來一拜  
先生

送趙蘭坡

弟判嘉興藹政聲蘭坡兄又出專城如將天上

一蟾影分作人間兩郡明  
江冷雪隨帆幅去路晴梅  
轎窓行開藩便拜歸班詔也與玉山添  
重名

題趙恕可山臺

繞宅無非畫山吟臺更對好峯巒  
錦囊低掛花梢上玉子輕敲竹陰間  
小硯買來猿解捧異書編就雀同看  
主人出赴功名會澗水自清雲自閑

小菴道人

滿面瘡痍癥胸中一泓雪醒吟雀背風醉卧鷗

邊月不賣嚇鬼符不試爐金訣  
笑問舊蓑衣秋來添幾結

題丘竹坡新地

長安富貴海十客九倦還君去不着意君歸無  
愧顏舊圃一二畝新居十數間  
花尋直樹種竹簡斜枝刪  
詩句滿筆寫書編到處安  
冬簷日春暖夏戶風晝寒  
不是時令舛自緣心地寬  
天下政多事未須牢閉關

題雪林畫卷

亂灑春霏著紙寒玉成天地片時間  
有人諳盡

江湖冷却愛尋常畫山

*[Faint bleed-through text from the reverse side of the page]*

未

梅屋第三藁目錄

五七言近體詩

凡十五首

蘭花

郭南湖見訪却適有出一絕為謝

枯樹

錢謙齋新居

上趙克家太守

趙寧瓊花園

寄然鏡潭

未利

題猗綠堂

趙山臺寄詩集

寄題東洋

寄友

紅梅

逐張軍

謝施雲溪寄詩

梅屋第三藁

己亥至癸卯詩不滿二十首甲辰一春却得  
四十餘篇疑詩之多寡遲速似有數也天或  
壽予、詩之數固不止此然當以貪多務速  
為戒梅屋許渠題

蘭花

竹底松根慣寂寥肯隨桃李媚兒曹高名壓盡  
離騷卷不入離騷更自高

鄣南湖見訪却適有出一絕為謝

一篷風雨偶歸遲見說君來扣我扉童子因眠

梅樹下不曾放過雀雙飛

枯樹

幾年柴立荒塍下  
春而秋風  
提不知一點陽和  
到桃李紅、白、便盈枝

錢謙齋新居

住破吳松江上屋  
杭州城外結新廬  
未尋陸羽烹茶具  
先借淵明種菊鉏  
山入樓中成好句  
月來窓下伴殘書  
御街車馬無行處  
誰肯抽身覓退居

上趙克家太守

說着嘉興太守賢  
野梅官柳六歡然  
貧民不識重租苦  
老吏難將一事瞞  
但有詩書堆几上  
更無歌舞到樽前  
凡為郡者皆如此  
天下何由不治安

趙宰瓊花園

祠下靈根無別種  
凡花誰敢鬪榮枯  
被君分種鵝谿上  
從此人間有兩株

寄然鏡潭

鏡潭炯、秋無底  
着一纖雲也是多  
禪外當無此子事  
如何犹有作詩魔

末利

荔枝鄉裏玲瓏雪來助長安一夏涼情味于人  
最濃處夢回猶覓髮邊香

題猗綠堂

蕭々萬竿玉深護讀書堂夢起秋声薄詩挽夜  
色涼敲茶風遙響滴硯露涵香不雜有花樹花  
紅不久長

趙山臺寄詩集

海雁叫將秋色去山臺鈔寄好詩來菊花過了  
梅花未自有花從筆底開

寄題東洋

東洋占得江山勝安頓亭臺到處宜夜々中秋  
明月影朝々寒食好花枝長箋短軸真行字舊  
軸新編倡和詩只隔一潮飛不去張懷惟有白  
鷗知

寄友

已奏春班名字了不妨閑作幾時遊家僮未要  
裝詩擔見說三高索唱酬

紅梅

不堪冷照黄昏月強倚春風作杏粧雖得容顏

暫時好欠他肌骨舊來香

近張寧堯章

倦骨畏寒如畏虎可曾一步出柴扉因迎令尹  
西郊外折得梅花滿把歸

謝施雲溪寄詩

折得桂花三數枝雲谿又寄几篇詩香入在  
花香裡韻似龍涎火煖時

梅屋第三葉

梅屋第四葉目錄

古今體詩 凡三十八首

餞梅

築城曲

烏夜啼

馬塍種花翁

泥孩兒

染絲上春機二首

長門怨二首

秋風辭二首

三臺春曲二首

胡蝶飛

破琴

破硯

對鏡詞

織錦詞

母忌

春思

春雨

燕

石菖蒲

草二首

池魚

柳

小盆花

花顏

諭柳

選官圖

猗綠惠竹

落花

落梅

贈壽醫師

陳宗之疊寄書籍小詩為謝

送趙竹潭

贈僧虛中

附雜著十首

送旦上人序

巫說

跋四靈詩選

跋臨上人所藏東坡像

跋劉季必画册

題松岩所惠雪屏

寫真自贊

跋竹軒乞藥帖

書先祖監丞手澤後

覲志

梅屋第四藁

餞梅

十日九風雪差見今春寒梅花辦歸計一點心  
欲酸所秉太孤潔有此末路難來年復相見一  
笑賀平安

築城曲

日將西杵聲急一聲自死腸出城高不持土  
累成半是鋪填怨天骨儒坑戰地骨更多十二  
金人隨鬼泣

烏夜啼

丈人屋侵雲鳥愛丈人屋  
塗人亦愛鳥、聲喜  
相續屋底間蛾眉環坐  
理絲竹絲竹無新腔  
寫汝聲為曲丈人一賞音  
瓦礫棄珠玉移噪隣翁  
家聞者皆啞逐

馬騰種花翁

東勝白髮翁勤朴種花戶  
盆賣有根花價重無  
人顧西勝年少即荒嬉  
度朝莫盆賣無根花價  
賤爭奪去年少傳語翁  
同業勿相妬賣假不賣  
真何獨是花樹

泥孩兒

牧瀆一塊泥裝塑恣華侈  
所恨肌體微金珠載  
不起復罩紅紗厨嬌立  
瓶花底少婦初嘗酸一  
玩一心喜潛乞大士灵  
生子愿如尔豈知貧家  
况呱、瘦于鬼弃卧橋巷  
間誰或顧生死人賤  
不如泥三歎而已矣

染絲上春机

染絲上春机春濃絲色淺  
妾心随梭飛即心如  
軸轉

染絲上春机錦成貴無價  
不忍裁成衣怕剪鴛  
央破

長門怨

妾身如蓮根沉埋淤泥底雖有白玉姿無人為  
搗洗

妾身如亂絲卷藏箱篋底願上鴛鴦机無人為  
分理

秋風辭

秋風來一葉兩葉墜燕子動歸心薄情知  
也未

秋風來衣衾愁未整莫作閨中寒且作天  
涯冷

三臺春曲

昨夜微風細雨今朝薄霧輕寒簷外一聲啼鳥  
報知花柳平安

春是人間過客花隨春不多時人比花尤易老  
那堪終日相思

胡蝶飛

胡蝶飛胡蝶飛紅邊迷了紫邊迷粉老香乾何  
處歸不學蜜蜂做家計勤苦之中有甘味

破琴

幸逃煮雀烟枯羸卧鳥几向來千萬音今在何

人耳舊譜傳不真零落几張紙瓦缶空雷鳴牙  
瘦喚不起

破硯

碌碌礧礧間得此一雋石磨我三十年貌顰雙  
鬢白渠亦苦我磨眼穿流淚墨老蟾在傍笑西  
窮自相尼

對鏡詞

烟護杏腮寒日襯桃腮暖惟有鏡中花東風都  
不管

織錦詞

綵絲愁緒雜春机唧唧聲中日又西織到花枝  
連理處玉驄門外一嬌嘶

母忌

一別音容歲幾更紙灰飛盡淚猶傾最憐春雨  
相將足繇上有田誰共耕

春思

朝來一陣無情雨敲得庭花半欲殘燕子不知  
人冷落飛來簾底避春寒

春雨

老來慵把種花鋤片紫纖紅一任無不忍今春

孤負雨自收簷水浸菖蒲

燕

處、亭臺宴好春唱花歌柳調爭新梁間不用  
多言語回耳聽君有幾人

石菖蒲

一碧生涯水石濱縷風絲而瘦精神前身恐是  
巢由輩怕着人間半點塵

草

生長冷階閒砌畔一春知見幾花飛雖雨露  
無多子却到秋來祿轉肥

不是東風有愛憎為憐微細頗加情胚紅孕紫

寧交晚且放青、寸草生

池魚

深淺生涯足浮沉世念輕莫貪釣上餌去作鼎

中羹

柳

青、得意春三月撩弄東風舞腰活莫道長條  
舞得多長條先被行人折

小盆花

小、盆中花春風隨分足花肥無賸紅葉瘦無

欠綠心傾幾點香也飽遊蜂腹太盛必易衰荒  
烟鎖金谷

花願

未到無生無滅地聊為春風露紅紫不願隨風  
趁蝶飛願就枝頭抱香死

諭柳

不須嬌逞舞腰支不須巧畫宮粧眉只把千絲  
萬絲結住行人無別離

選官圖

排衙累戢甚分明除罷皆由移色行縱有黃金

無好采也難平白到公卿

倚綠惠燭

剪々春生萬卷堂一花知勝几螢光癡兒不識  
半行字只解高燒照海棠

落花

落花傳語五更風能旁亭臺几日紅把似匆匆  
又飛去不銷裁染費春工

落梅

紅杏枝々嬌似染綠楊處々密成團若無顏色  
相追逐自趁東風作雪飛

贈壽醫師寓雪峯

軒窓開處摠湖光  
誦罷難經納晚涼  
雨濺荷香沾古衲  
月移松影罩禪床  
燃燈就取燒丹火  
煮藥先留瀹茗湯  
二豎三彭都見佛  
人間無病亦無方

陳宗之疊寄書籍小詩為謝

江海歸來二十春  
閉門為學轉辛勤  
自憐兩鬢空成白  
猶喜雙眸未肯昏  
君有新刊須寄我  
逢佳處必思君  
城南昨夜聞秋雨  
又拜新涼到骨恩

送趙竹潭

已彊詩仙一夜留  
任教清早放舡休  
恨身不似梅花片  
飛入寒篷伴遠遊

贈僧虛中

僧趨雪前到梅花  
猶恨遲略譚殘歲  
夢便和早春詩  
僵雁依船宿寒猿  
捧硯隨吟單未須  
捲重見是何時

右甲辰一春詩、共四五十篇錄求  
芸居吟友印可栞皇恐

梅屋雜著

送旦上人序

詩曰琴瑟友之東萊謂無時而不在側若朋友  
然故曰友今士自時文之外無學不仇何止牙  
夔庭户草深三尺哉山僧野道間或習琴亦未  
能以友也旦上人禪外一琴朝携暮款調合  
而氣同予謂芳師者始可與言琴之友矣師曰  
言友琴者惑也言不友琴者亦惑也言友琴不  
友琴皆惑者尤惑也海上有子春先生吾為子  
往而問之遂抱琴而去

巫說

小人倚巫為命一人疾闔衆走巫以巫之在不  
在候吉凶以神降之降不驗生死巫在衆喜神降衆  
益喜降曰某有某罪某祟之祀可贖也衆諾  
雷應惟恐瘠酸不譙其饗疾瘳重謝巫不瘳不  
巫責也梅屋居士曰我命在我不在天而在神  
乎不在神而在巫乎蓋其中心有愧而疑之  
則亂則邪入矣邪則病則懼則妖興矣  
邪入妖興而命在我乎命不在我禱猶詛也生  
猶死也巫小人之尤也不可倚也作巫說

跋四靈詩選

藍田種玉蒼林片香然玉不擇則不純香  
不簡則不妙水心所以選四靈詩也選非不多  
文伯猶以為略復有加焉嗚呼斯五百篇出自  
天成歸于神識多而不濫玉之純香之妙者歟  
芸居不移寶刊遺天下後世學者愛之重之

跋臨上人所藏東坡像

平生所見坡像此筆最凡宛然閭里一翁耳那  
稱如許文章學問然文章學問崇坡一生流離  
萬狀安得如閭里翁優游終老不識半點榮辱

邪

跋劉季必畫冊

讀東坡石氏畫苑記每恨不見其畫此劉氏畫苑惜東坡不及見之

題松岩所惠雪屏

一玉千山化工之無尽春也為山馮神筆端之無盡意也揭之梅屋往來者之無盡觀也

寫真自贊

人道士不似我道別無人似女似我非森  
千丈松之精神不似我者非濯春月柳之標

度似不似皆得人憎然亦有一些好處好處是  
今人衣冠苞着箇古人腸肚

跋竹軒乞藥帖

茹不上貴人盤釘賴有山僧野道閑肚皮安着  
不感德而反以為崇誠蔬中之小人也

書先祖監丞手澤後

翁年踰從心猶鑽燈下細字諸父惧非老人所  
宜又不敢明諫一夕令集稟翁寒漏下幾刻矣  
請歸寢翁解意曰吾不愈于埋沒富貴達旦歌  
舞遺鳩兒孫者邪垂訓四十年洋々如昨日語

真吾家之韶音也

硯志

此硯雖未佳而愛踰金玉者以先君舊物也先君游官章貢人硯俱亡後三十年硯歸于棗惟夜臺茫茫人無歸日哀哉痛哉然能朝夕摩挲馮先君胸中未吐之書人硯俱不亡矣

斗野葉文卷目錄

古今體詩

凡六十一首

雲間

江湖偉觀

鳳鶴鶴三題與江社同賦

頽送

錢氏東阜

上海

新晴

錄二

除夕

禱雪天竺由靈鷲過冷泉

祀事

西湖清明

酥

食蠟次韵芸德

次韵月中闻鹤二首

齋宮偶題

同寮約游香林分韵得林字

春潮偶題

重游大滌洞天

東菴與道者語有感

朱柿

喜李鶴田至次阮雲心韵兼寄二首

九日

道場山

何山

月泉紀遊

不寐

寄鶴田

至後

雲川次韵鶴田

歲晏用趙誼父訪雲心韵以寄

正月二日雪

送晏桂山赴高沙郡二首

秋思

溪上  
鶴田還江右

歸雁亭

平日次韵池龍家父

垂虹二首

姑蘇臺

席丘

惠山

棟花

毗陵天慶觀龍

丹陽道中流寓人

京口運河上

多景樓

金山

永州

維揚即事五首

平山堂吊古

平山和韵鶴田

道中觀屏水戲書

長安道中寄懷

加外不意歸

斗野葉支卷

邗州張益仁溥

雲間

勸倚柁樓聞鶴唳半生此地一經過  
机雲故月荒涼宅湖海新秋浩蕩波  
曉般紅蓮商客市夜暝白茱女兒歌  
吟邊冷被沙渥笈衣化点塵鬢亦皤

江湖偉觀

隄柳朝、送酒船一闌山色越帆烟  
蓬萊雲氣東溟外閭閣星辰北斗前  
突兀向来無此屋登

臨當日有諸賢夕陽過雁慵回首吟入關河萬  
里天

鳳鶴鵲三題與江社同賦

一去朝陽疾不聞西康臺北起寒雲梧花竹寔  
年、事奈此喧啾百鳥群

玄雪精神兩瘦芦天風入羽思江湖逋仙梅下  
曾相識千載歸來一培無

月樹爭枝影共寒植、飛過屋頭山五陵年少  
多春悶一彈千金落等閑

顧選

海水還清淺停杯向二豪雨來江色暝沙長岬  
容高吏鞅何能脫王程敢憚勞秋風柁樓底短  
髮不禁搔

錢氏東皋

百年鐘鼓園林在人物蕭疎更海鄉藤絡湖嵌  
山解長花移鄰本土犹香棋声靚畫林陰淡扇  
影向秋水氣長莫道官忙行樂少也不物色到  
奚囊

上海

夢斷三更鶴芦邊繫短篷聽潮看海月坐石受

天風物至秋而化年來我六翁長歌相勞事犹  
喜此樽同

新晴

林影熹微曉乍晴老于世故獨閑情連烽未撤  
邊頭成積潦犹妨隄上耕幾為餉奎憂濕葉重  
因漂麥困飢萌危公多事多勞耳万理由未要  
得平

錄

錄之竟何為衣塵日以緇故人間入夢久雨頗  
妨牌燕履登菜息蜂程載密虧獨斟蓮子酒愁

絕杏花詩

除夕

京國逢除夕栖遲鬢欲霜春声生竹爆戛色動  
林香戒睡聽雞早占詩探繭忙燭花頻送喜兒  
女笑烘堂

禱雪天竺由灵鷲過冷泉

降香天竺去瀟茗冷泉來新徑石間過危亭木  
杪開烟山晴若画霜葉濕如灰点檢徑行處今  
年未見梅

祀事

誤被鷄催起，踰聽漏鼓稀。書檠風展卷，香炷火  
生衣。困嗅茶猶病，吟飡菊可肥。月明天路靚，親  
到帝旁歸。

西湖清明

芳天新霽，惠風和軟，綠平隄凝。不波桃李無言，  
看客慣樓台如畫。占山多游，裾匝路填車馬。翠  
榜開，迤邐綺羅，寒烟生水。向白氈奈此月  
明何。

酥

魚味醍醐外，分身乳酪中。江南鳴犇犢，塞上寄

飛鴻。乾雨看如幻，生鹽訝漸融。臙殘猶有待，黃

取牡丹紅。

食蠟次韵苔隐

相黏成什伯，峰聳若山王。

史南人呼明  
駝為山王

攻處須

犀鉄持來出，蟹湯梅花霜後味。竹色酒邊香，坐

憶游閑樂。今年始得嘗。

次韵月中闻鶴

月明華表語霜清，万籟沉、靜有声。一自别来，  
瑤樹長几回飛夢到魯城。  
孤影衰回旦月中，流離滿貯酒如空。東皇太一

應來下笈指梅花一信通

齋宮偶題

衆綠扶疎雨氣清  
柳花吹作小池萍  
文牕畫奕齋房邃  
三漱華池誦玉經

同寮約游香林分韻得林字

約我當休沐同過支道林  
棋邊翻覆手酒外太平心  
石漱晴端細猿吟夏木深  
歸帆帶疎雨涼意滿幽襟

春潮偶題

忙裡偷閑荅物華  
一官隨分是生涯  
春風酒掉

湖隄柳曉月吟韜  
輦路花報喜忽聞枝上鵲  
忘机時下屋頭鴉  
殘年鈍詞今朝盡重對菱花拂

帽紗

重游大滌洞天

澗水冷石髮新松  
花香靚翠崖深雲生不沒  
仙人跡丹化猶啼搗藥禽  
洗眼人多求聖水醒心我獨愛清音  
慕更欲過新洞無奈春空又作

零杖

東菴與道者語有感

瘦策松間日又斜  
更過南嶽喫僧茶  
丹青領樹

明寒柔水墨江天噪乳鴉付酒一杯真樂事讀  
書萬卷是愁涯更嘗世故知閒味河水依然驚  
白華

朱柿

慈恩分種遠駢寔渥如丹垂野華星火然雲大  
樹寒蟹螯微有忌猩血訝難搏七絕雖堪賞無  
勞把核鑽

喜李鶴田至次阮雲心韻兼寄

月樹秋來碧几尋古薌重徹紫芝吟無因得去  
陪清賞祇寄山君一寸心

澆酒通梅又几回愁吟田雨独登台星、鶴語  
山牕曉割得雲心古錦來

九日

細看黃花把一枝東籬犹是昔人非題糕酒外  
豪心在吹帽風前素髮稀雁叫霜天悲故國鴉  
翻溪樹背寒暉百年独有間居樂可怪東山事  
竟遠

道場山

訪碑無古跡丹碧巖嵯峨塔向城中共山從寺  
右多疎松小溪路遠淒太湖波何錯書堂在猶

嫌隔翠蘿

何山

山田人得姓人去佛來居隣有天章墓碑無王

局書幽溪通古部荒洵入春禽客子吟鬚冷高

峯夕照餘

月泉紀游

小春霜寓晚間訪古招堤何茂齋魚磬初弦願

免迷先民堂上像寓客柱間題僧戶蜂分小山

形虎文低松青江庙北竹老野橋西親汲聊煎

茗深登信杖藜琴師年九十相見手重携

不寐

空林展轉对孤檠寒漏年長更雨声如此乾坤

间步月明朝華髮滿頭生

寄鶴田

鶴向孤山去未歸片雲行雁與心期新詩不着

工夫得雪外看花獨立時

至後

陽生七日驗飛葭衣、天机步載華江州未圓

青帝夢香雲漏洩與梅花

雪川次韵鶴田

苔雪双流合，飄檣万里通。  
連山黃獨雪，一雁白蘋風。  
酒戶春醅淺，魚村晚市同。  
旧游蕉鹿外，未老已成翁。

戊晏用趙誼父訪雲心韵以寄

看春知几度，玄髮故應非。  
世事真犹梦，人生瘦  
勝肥。竹边随意入梅下，  
得詩歸。徇想羊何友，湖  
山樂所依。

正月二日雪

雨送冬雷了，如篔墮。晚晴  
紫盃溪樹色，駭殺紙  
窓声。着尾消还易，因风  
凍不成。絲、门外履犹

自賀元正

送晏桂山赴高沙郡

青衫赴朔已三迁，红旆臨州不五年。  
旧吏僂荣從事府，新民迎擁使君羈。  
牡丹池館春融日，菡葉汀洲水漲天。  
自是边筹談笑辨，归来仍侍玉皇前。

接武容臺彼一時，溪鄉重幸得追随。  
涯前心事滄浪影，梅下吟情汗漫期。  
感慨中年無近别，衰回明月有相思。  
殷勤劝醉陽關晓，受尽耶歛只自知。

秋思

暑退涼生，體氣佳。卷簾曉雨，感年華。西風葉落，梧桐冷，開盡庭前白鶴花。

外為心溪上

今夕知何夕，吾意亦良遠。明月滿船，蓬清風動，帷席過雨，前溪渾停。雲半空，白衰荷無嬌紅。老梧有枯碧，頻更燭。對棋仍把酒，澆石，步行變暄涼。朋情慨離索，相思日以長。孤吟夜方，寒露下，客衣單。草際螢光，奕年一倚玩心，一醉不得惜。

鶴田還江右

欲與雲共住，雲去楚天長。此日吾猶惜，中年別易傷。搜吟梅下影，睹奕橘中香。謹勿移山諾，春風入帝鄉。

歸雁亭

青雲影裡自由身，几倚闌干看不真。又是江湖春雪盡，年一腸斷玉關人。

午日次韻池袞父

小泊蘋香柳下，矧重逢佳節。感年時，東蒿偶作人形想，來藥須供國手醫。江鏡願為明主監，楚旅愁賦逐臣詞。酒邊聽盡敲蓬雨，數日淮南去。

未遲

八  
垂虹

四岬俱無只有天  
烟檣如雨落漚前  
不知笠澤翁何許  
波上清風一萬年

憶看前游十四年  
三高祠下夕陽舡  
無錢買得鮮魚鱠  
吟就菊花香裡眠

姑蘓臺

故址畊殘草樹秋  
無人曾見鹿來游  
甬東亦是當時月  
不照笙歌只始愁

席丘

曼陀石上無根樹  
歷生公說法餘  
剡水一泓清撤底  
至今人說有危居

惠山

石苔滑法屋連斜  
第二泉邊古佛家  
一壑松風聽不了  
卻留僧坐自煎茶

棟花

綠樹菲、紫白香  
猶堪纏黍吊沉湘  
江南四月無風訊  
青草前頭蝶思狂

毗陵天慶觀危

殿陰壁老懷仁  
笔頭角崢嶸  
春起蟄有時  
魔斥

惠山雲行雨歸來半身濕

丹陽道中流寓人

累土編茅古制庫官田種秫得沽私自言身健

無徭役猶勝平生江北時

京口運河上

荒、永岬水如海翁仲無言立上頭日、餽舟

銜尾去東南民力尚友不

多景樓

假日此登臨淒涼北望心成烽孤障香塔影一

江深豎虜投鞭想將軍誓檄吟所嗟人事異天

陸古猶今

金山

江身臺殿切空雲夜月魚尾影不分八十老僧

相引說潮痕不上部公坟

瓜州

如此江濤更有人佛裡竟死不能兵幅中短擢

漚前夢未省當時有此城

維揚即事

牛斗星邊禹貢州東南屏蔽大江流向來明月

珠簾夢不信秋風夜析愁

皂角林前野地寬  
新塘路口草泥乾  
天乎如此功名事  
成敗現人自昔難  
茅屋芦門半市坊  
居民無事六軍裝  
愁來莫上城頭望  
西北浮雲接太陽

月明城上韻  
邊船一挽三更夢  
到家不耐楚氣真  
僻性賦詩酌酒與  
瓊花

土霧如蒸暑暑天  
燭危偏駐柳邊舡  
三清觀裡風廊午  
滿意題詩借榻眠

平山堂吊古

隔江山色  
西園中故址荒  
來與廟通畫地  
雄天

淮海水占星高直  
斗牛宮試評蜀味  
長泉奕欲唱歐詞  
古柳空往事  
誰增感慨聊憑  
戍卒指

西東

平山和韻鶴田

瓊花應自笑南翁  
白髮栖、逐斷蓬  
兵後百年城郭是  
塵間多事古今同  
孤烟遠埃如常  
長五月穿邊尚冷  
風可待花鮪歸  
興盡長吟且復付

杯中

道中觀岸水戲書

秧馬泥深蒲犢閒  
燭危頽影桔槔閒  
尋常六月